



UNIVERSITÄTS-
BIBLIOTHEK
PADERBORN

De Congregationibus Clericorum In Communi Viventium

Le Mire, Aubert

Coloniæ Agrippinæ, 1632

Capvt III. Congregatio clericorum regularium, qui postea S. Pauli cognomentum induerunt, & vulgò Barnabitæ dicuntur; à Bartholomæo Ferrario, eiusq[ue] socijs in vrbe Mediolanensi instituta, per ...

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)

CAPUT III.

CONGREGATIO CLERICORVM

*regularium, qui postea S. Pauli cognomen
induerunt, & vulgò Barnabita dicuntur, à
Bartholomæo Ferrario, eiusque socijs in vrbe
Mediolanensi instituta, per Clementem VII.
Anno 1533. confirmatur.*

CLEMENS Papa VII. dilectis filijs **BAR-**
THOLOMÆO FERRARIO, & ANTO-
NIO MARIE ZACHARIE, presbyteris,
Mediolanensi & Cremonensi. *Vota, per
quæ vos, in humilitatis Spiritu, perennis
vitæ præmijs digniores effici, vestræque &
aliorum animarum saluti consulere possi-
tis, libenter ad exauditionis gratiã admit-
timus, eaque fauoribus prosequimur op-
portunis.*

*Exponi siquidem nobis fecistis, quòd,
vos, cù tribus alijs vestræ voluntatis socijs,
vt liberius diuinis beneplacitis insistere, &
quæ Dei sunt perquirere possitis, cupitis
professionem trium votorum substantia-
lium Religionis, in manibus venerabilis
fratris Archiepiscopi Mediolanensis, seu
eius in spiritualibus vicarij generalis, emit-
tere, & insimul in aliquo loco ciuitatis seu
Diocesis Mediolanensis, per vos eligi do-
morari, & permanere. Quare nobis fecistis
humiliter supplicari, vt piæ vestrę intentio-
ni hu-*

ni huiusmodi paternè annuere, de benignitate Apostolica, dignaremur.

Nos huiusmodi supplicationibus inclinati, vobis & vestrū singulis, vt professionem ipsam in eiusmodi Archiepiscopi seu Vicarij, qui verò de cætero ad vos conuerti voluerint, in alterius vestrum, seu Præpositi vestræ Congregationis, pro tempore existens, manibus professionem trium votorum eorumdem emittere, & insimul sub obediētia tamen Ordinarij loci, in ipso loco per vos eligendo, cohabitare, ac in communi viuere.

Nec non pro vestro, & rerum vestrarum salubri statu & directione, quæcunque statuta, & ordinationes, rationabilia & honesta, ac sacris canonibus non contraria condere, & facere, illaque, vt vobis pro temporum qualitate expedire videbitur, mutare, & in totum tollere, aliaq; illorum loco de nouo facere, liberè & licitè valeatis.

Apostolicis ac in Prouincialibus, & Synodalibus Concilijs editis, generalibus vel specialibus constitutionibus, & ordinationibus, cæterisque contrarijs nequaquã obstantibus; Apostolica auctoritate, tenore præsentium, de specialis dono gratiæ concedimus, & indulgemus; eisdē præsentibus perpetuis futuris temporibus valituris.

Datum Bononiæ, sub annulo Piscatoris,
die

die 18. Februarij, 1533. Pontificatus nostri
anno decimo.

CAPVT IV.

CONGREGATIO SVPRADICTA
*Clericorum regularium à Clemente VII. ap-
probata, per Paulum III. titulo S. Pauli dona-
tur & varijs priuilegijs augetur. anno 1535.*

PAVLVs Episcopus, seruus seruorum
Dei, dilectis filijs ANTONIO MARIAE
DE ZACHARIIS, & BARTHOLOMÆO DE
FERRARIIS presbyteris, Cremonensi &
Mediolanensi, salutem & Apostolicam be-
nedictionem.

Dudum felicitis recordationis CLEMEN-
TI Papæ septimo, prædecessori nostro, pro
parte vestra expositum, quòd vos cum tri-
bus alijs vestræ voluntatis socijs, vt libe-
rius diuinis beneplacitis insistere, & quæ
Dei erant perquirere possent, cupiebatis
professionem trium votorum substantia-
lium Religionis in manibus tunc Archie-
piscopi Mediolanensis, seu eius tunc Vica-
rij in Spiritualibus generalis, emittere, &
insimul in aliquo loco ciuitatis, seu diocæ-
sis Mediolanensis, per vos eligendo, mora-
ri ac remanere, idem prædecessor vestris in
ea parte supplicationibus inclinatus, vobis
& vestrum singulis, vt professionem ipsam
in eiusdem Archiepiscopi seu Vicarij. qui
verò